

to et

Vene questa matina in Collegio l'orator cesareo per cose particular, et parlò dil signor Cesare Fregoso, par se voi partir de nostri servici e in Zenoa potria far novità.

Vene il secretario dil duca de Milan con letere dil duca scusandosi de la morte dil capitano Merveia, qual non era orator dil re Christianissimo, et mostrò una letera li scrisse el re in raccomandation sua, veniva a Milan per cose de soa specialità.

Vene l'orator de Mantoa

Di Roma, fo letere di l'orator nostro, di 4 et 5 de questo. Il sumario scriverò qui avanti.

177

Die X Augusti 1533.

*Publicatum per me Jacobum Zambonum
in Maiori Consilio.*

Non possi alcun zentilomo nostro star a le porte dil Mazor Consejo nè a quele dil Consejo de Pregadi, nè a le scale et porte dil palazzo, a ringratiare quei havesseno balotado o lui o alcuno de sui parenti over amici, soto pena a quei che fosseno romasi in officio, consiglio o rezimento alcuno de esser de questo *immediate* privati et cassi et de pagar ducati 10 a l'acusator se ne sarà, se non a l'hospital de la Pietà. Quelli veramente che per alcuno suo parente et amico ringratiasseno alcuno dil Consejo de Pregadi over de questo Mazor Consejo ne li lochi sopra diti, pagar debino ducati 25 per cadauno da esser dati come è sopra dito.

Che il prossimo futuro giorno che se baloterà la Zonta ordenaria dil Consejo de Pregadi alcuno de li eleti che saranno balotadi non debbino venir in questo Consejo, nè in corte, ne in alcuna parte dil palazzo, nè in chiesa de San Marco, salvo una hora da poi serate le porte de esso Consejo, soto pena de pagar ducati 5 da esser dati *ut supra* et, hessendo rimasti de dita Zonta, de non poter entrar nel predeto Consejo de Pregadi.

Non debba similmente alcun gentilhomo nostro el suprascrito giorno de la Zonta nè il giorno precedente de quella, et così *successive* d'anno in anno far alcun convito o pasto in loco alcuno de questa città ad alcuno gentilhomo nostro, exceti quei che con se cazzasseno da capello, nè parimente redursi alcun zentilhomo nostro el dito giorno nè in Quarantia nè in alcuna altra parte dil palazzo per

disnar o per far colatione, sotto pena de esser privati d'ogni offitio, benefitio et conseio per anno uno, et de pagar ducati 100.

Non dehba oltra de ciò alcun nobil nostro, in pena de esser privati d'ogni offitio, benefitio o rezimento et Conseio per anni doi, et de pagar ducati 50 nel modo che sopra è dechiarito, serate che siano le porte de questo Consejo, se fusse bisogno poi aprirle, per qualunque rispoto intrar in esso nè uscire per modo alcuno di quello, salvo finita la ballotatione.

Niuna de le Quarantie nostre, nè li XXX Savi, Consieri inferiori, avogadori de Comun, nè li auditori vecchi et novi non possino redurse a disnar insieme nè a cena tuti uniti, nè passar el numero da le legi nostre soto pena de pagar ducati 50 et con privatione de li offiti.

Non possa alcun zentilhomo per alcun modo poter repentaglio o pegno de sorte alcuna sopra li eleti, nè che uno o più de essi habbi a intrar o non intrar, overo rimaner o non rimaner, nè alcuno che fosse rimasto nè dar ad alcuno altro nè presente di sorte alcuna al remanir suo in alcun offitio, rezimento o Conseio soto pena de esser privato de tuti offiti, rezimenti et consigli per anni doi et de pagar ducati 50. 177*

Non deba oltra de questo alcun zentilhomo nostro per esser electo de la Zonta dil Consejo di X, nè alcun de li procuratori nostri per intrar in quella, procurar nè pregar alcuno de questo Consejo, in pena de pagar ducati 100 al modo de sopra narato, et hessendo rimasto de non poter intrar in dito Consejo, ma in loco suo se intenda esser rimasto quello che havendo la metà dil Consejo se sarà più proximo de balote.

Che occorendo nel advenir farsi eletione de alcuno procurator, non possi alcun nobil nostro per otenir tal dignità, nè farsi tuor in quella, far priegiar nè procura alcuna, exceto che con quei che con lui se cazzasseno da capello, possendo farsi nolar sopra un foglio a missier lo cancelier nostro o suo vicegerente, qual leger deba a li electionari come anderan in election, soto pena a chi contrafarà de pagar ducati mille al acusator qual sia tenuto secreto, et non essendo al arsenal nostro, et oltra di ciò, essendo rimasto procurator, li censori nostri non lo debbino lassar intrar in tal procuratia; ma far si deba nova eletione, et se alcuni de li competitori ne facesse conscientia et havesse passata la mità del Consejo, intrar deba procurator in loco dil contrafacente predito.